

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

Bosco, Jean a

Lovanii, 1678

Concl. XI. Licta est dissolutio Sponsalium propriâ auctoritate, quando constat de justitia causæ, & abest scandalum, neque satisfaciendum est Ecclesiæ, aliâs sententia Ordinarii expectanda erit.

[urn:nbn:de:hbz:466:1-73432](#)

scandalum, aut injuriam affingat. Præterea cum sponsalia facta absque consensu parentum valeant, nec possint pro libito parentum irritari, tamen non videatur requiri tam grande scandalum, equidem oportet esse scandalum magnum, ut filius possit abstinere a nuptiis, ad quas sponsa jus iustitiae jam acquisivit. Licit quippe filius, præsertim non emancipatus, debeat obediare parentibus, & nequeat contrahere Matrimonium absque consensu parentum; id tamen intelligendum venit, nisi adiit justa causa non obediendi, seu contrahendi Matrimonium contra eorum voluntatem; hic autem videtur esse justa causa, scilicet obligatio iustitiae, orta ex sponsalibus. Unde gravius scandalum videtur requiri, ut abstineat a Matrimonio legitimè promisso, quam ut abstineat ab ipsa promissione, aut a Matrimonio non promisso.

Placet itaque sententia, quæ requirit magnum scandalum, ut pater possit impediare sponsalia filii, contra ejus voluntatem inita. Quamvis gravius esse debeat, ut ab aliis consanguineis dissolvantur. Idem dico de malo exitu, qui probabiliter timetur ex Matrimonio, videlicet, non sufficere quemlibet, sed debere esse aliquius considerationis, utputa, odium capitale inter ipsos contrahentes, aut certè quotidianæ & graves discordanæ, &c.

Ceterum si quispiam dubitet: utrum dissolutio sponsalium, ex causis hactenus allegatis, liceat absque auctoritate Ecclesiæ. Hæc est mea opinio:

CONCLUSIO XI.

Licita est dissolutio Sponsalium propriâ auctoritate, quando constat de justitia cause, & absit scandalum, neque satisfaciendum est Ecclesiæ, alias sententia Ordinarii expectanda erit.

Pontifex potest dispensare in sponsalibus, sed non nisi ex magna causa.

Suppono, Pontificem, tamquam supremum Principem Ecclesiæ, posse dispensare in sponsalibus, eo modo, quo suo loco dicimus, eum posse dispensare in Matrimonio rato; minus quippe est vinculum sponsalium, quam Matrimonii rati; unde licet negarem, eum posse dispensare in Matrimonio rato, adhuc possem affirmare, ipsum posse dispensare in sponsalibus. Interim sicut non potest dispensare in Matrimonio rato, nisi ob gravissimam causam, præsertim altera parte invitata; ita neque in sponsalibus, nisi ob gravem causam.

Probatur. Ratio est; quia non potest quis invitatus

privari jure jam acquisito, sine magna causa, ipsum concernente, v.g. si necessarium sit pro bono communis, vel si hoc propter crimen aliquod meruerit. Constat autem, etiam per sponsalia, jus fuisse acquisitum sponsis, non quidem in mutua corpora, sicut per Matrimonium ratum; sed potius ad mutua corpora, postmodum tradenda per Matrimonium; hoc ergo jure jam acquisito nequeunt privari à Pontifice, nisi ex magna causa, ipsos concernente, putâ si necessarium sit pro bono communis, aut si id meruerint pro aliquod crimen; cum enim utilitas proveniens ex sponsalibus sit ipsorum, illâ inviti non debent privari, nisi propter causam, ipsos concernentem.

Porrò satis convenit inter DD. Pontificem id facere posse; de Episcopo autem dubitatur. Pars affirmativa probatur; quia quidquid Pontifex potest in universo orbe (si excipias ea, quæ ad universa Ecclesiæ statum pertinent, ut res fidei definire) Episcopus potest in sua Dioecesi, nisi ei specialiter per Pontificem aliquid reservetur. Est namque Episcopus Pastor ordinarius in sua Dioecesi, sicut Pontifex in toto orbe, licet sit ipsi subiectus; ergo in iis, in quibus Pontifex non limitat ejus iurisdictionem habet potestatem ordinariam: sicut quilibet Confessarius potest quæcumque ac Pontifex ab omnibus peccatis absolvere, nisi per Pontificem aut Episcopum causis aliquis reservetur. Si ergo Pontifex potest in sponsalibus dispensare, cum nullibi reservet, haec facultatem, poterit similiter Episcopus. Ita pro hac sententia argumentatur Sanchez libro primo, disputatione hexagesima prima, numero tertio, allegatis multis Auctoribus, qui docent, Episcopum posse in sua Dioecesi, quidquid Pontifex potest in universo orbe, si excipias &c.

Nihilominus sentit hic Auctor, dicendum esse, non posse Episcopum in sponsalibus dispensare, cum Paludano 4. diss. 27. quæstione prima, articulo secundo, numero decimo quarto, quia jus est acquisitionis tertio, quod nullus præter supremum Principem auferre potest. Item; quia hac ratione DD. negant, posse Episcopum relaxare iuramentum, tertio praefitum, nisi turpitudine ex parte illius tertii reperiatur. Præterea; quia jure Pontificio hoc reservatur, ut constat ex cap. Ex literis, 10. de Sponsalibus ubi præcipit Pontifex Episcopis, ut compellant ad sponsalium fidem servandam, in qua lege, cum sit Superioris, nequit Episcopus dispensare. Ita Sanchez.

Sed hæc omnia solum probant; Episcopum non posse dispensare sine magna causa, tenente se ex parte Sponsorum, ut supra expeditum dixi de Pontifice. Quid enim aliud significat?

cat illa limitatio secundæ probationis: *Nisi turpitudo &c. quæ videtur concedere Episcopo dispensationem in juramento, quando turpitudo ex parte illius tertii reperitur; ergo in simili casu etiam poterit dispensare in sponsalibus; scùs quando non adest justa causa.*

Et idè Pontifex præcipit Episcopo cap. *Ex literis*, ut compellat ad sponsalium fidem servandam; quia nulla proponebatur iusta causa in sponsalibus dispensandi, sine qua nec ipse Pontifex potest validè dispensare, propter ius tertio acquisitionis. Itaque propter illa argumenta Sanchii non videtur Episcopo neganda illa potestas, existente iusta causâ.

Sed progrediamur ad Conclus. nostram, quæ in primis docet, per se loquendo sponsos propriâ auctoritate posse resiliere à sponsalibus, quando satis constat de iustitia cause. Ita Sanchez disp. 6o, cum Aliis communiter. Probatur; quia in sponsalibus talis debet subintelligi conditio, nisi aliquis casus ex dictis acciderit; arg. cap. *Quemadmodum*, de Jurejando, non semel citato. Ceu ergo, deficiente propriâ conditione aliquicujus contractus, absque auctoritate Judicis licite ab eo reditur; eadē certè ratione licite recessur sine auctoritate Judicis à sponsalibus, deficiente conditione tacitâ sive subinrellata. Quæ enim ratio disparitatis? Eo semper salvo, ut constet talis defectus, id est, quod moraliter certum sit, talem conditionem fuisse subintellexam, & talem conditionem deficere; v. g. ut moraliter certum sit, sponsum vel sponsam post sponsalia fuisse fornicatum vel fornicatam.

Dixi autem signanter: *Per se loquendo*; quia, ut habet Conclus. deber abesse scandalum, prout abest, quando sponsalia sunt publica, & similiter publica causa resiliendi, v. g. fornicatio. Item, si occulta sint sponsalia, & similiter occulta v. g. fornicatio; si autem sponsalia sint publica, fornicatio vero occulta, tunc imploranda auctoritas Judicis: non tamen esset (inquit Sanchez suprà numero sexto) culpa lethalis, sed fôlum venialis, propriâ auctoritate dissolvere, nisi inde grave scandalum oriatur; quia nullibi jure cavitur, eam auctoritatem necessariam esse, & dissolvens, jure suo utitur. Ita hic Auctor cum Aliis, quos citat.

Immò, addit. num. 7. si causa ita occulta sit, ut probari nequeat coram Judice, vacabit culpâ, sponsalia publica propriâ auctoritate dissolvere; quia petita licentia denegabitur probationis defectu, & ex alia parte recuperat innocens rem sibi debitam, quam juxta Omnes fas est propriâ auctoritate capere, quando in judicio recuperari nequit. Hæc ille.

Quæ ego intelligenda puto, secluso scandalô; sicuti in Tract. de Religione communiter docetur, certum de invaliditate suæ Professionis, posse propriâ auctoritate, si nullitas in foro Ecclesiæ non possit probari, Religionem relinquere, & assumere quemcumque alium statum, seculo tamen scandalô, quod ius naturæ dicitur semper evitandum.

Quæris à me, quando in præsenti casu contingat proximum scandalizari? Respondeo; quando ex hoc, quod videt me ^{177.} *Quando hie adit scandalum,*

servare sponsalia, nesciens subesse justam causam ea dissolvendi, & ipse animatur ad solvendo sponsalia, quando reverâ nulla iusta causa subest. Item, quando sponsa, aut parentes ejus, ex illa dissolutione, que exterius apparet iusta, capitale, odium concipiunt contra sponsum. Illa ergo & similia peccata proximi præcavenda sunt, etiam cum maximo nostro incommode; neque enim sunt scandalum tantum acceptum, sed verè datum ab eo, qui refilit; quia exterior est actio peccaminosa, ex qua, considerat fragilitate proximi, natum est sequi ejus peccatum.

Interim Aliqui censem, sponsalia valida ^{178.} *Sponsalia* nuquam posse propriâ auctoritate dissolvi, & probant ex jure Canonico cap. *Duo pueri, valida nun-* 12. de Despons. impub. in fine, ubi sic ait *quam pro-* Clemens III. *Remanebit ergo Guilielma cum* ^{179.} *pria aucto-* *M. impositâ ipsi M. ad tempus paenitentia com-* *ritate posse* petenti, qui pro sua opinione sola Guilielmannam *ju-* *dissoluvi, pro-* dicio Ecclesiæ non requirit. Ubi Gloss. *de Des-* verb. *Non requirit: Nota, inquit, quod sine ju-* *ponf. impub.* *dicio Ecclesiæ nullus debet dimittere uxorem* suam, *cum hec sit pena, quæ nulli est inferenda;* nisi per Judicem, 33. q. 2. *Sæculares, &c. In* hoc. *& 35. q. 6. Multorum, quantumcumque* etiam *impedimentum sit manifestum, infra de* Divorciis, Porro.

Et cap. *De illis*, 7. eod. tit. scribit Alex. 3. Barthoniensis Episcopo: *Si verò alterutrum ifbo-* ^{179.} *Item ex c. 7.* rum (impuberum) ad annos pubertatis pervenire, *item ex c. 7.* *erit, infra eosdem annos altero existente, cum spon-* *salia contrabuntur, si is qui minoris aetatis est,* *cum ad annos illos pervenerit, reclamaverit, nec* *in alterum voluerit consentire, judicio Ecclesiæ* *poterunt ab invicem separari. Ubi Gloss. verb.* *Judicio Ecclesiæ: Et ita patet, quod sponsa-* *tia dissoluvi debent Judicio Ecclesiæ taurum, nisi* *fortius vinculum superveniat, putâ Matrimo-* *nium cum alio, vel votum solenne; quia tunc* *ipso jure soluta sunt.*

Hanc Glossam sequuntur aliqui Auctores Sanchez: apud Sanchez suprà numero secundo. Ec ratio exceptionis est; quia in his duobus casibus ius ipsum est notissimum, & causa est notoria; cum Matrimonium in facie Ecclesiæ celebrari debeat, & Professio cum fo- lemitate.

180. Addit. 3. jus, scilicet cap. 1. 33 q. 2. sequentis tenoris: *Seculares, qui conjugale consortium nullâ graviori culpa dimittunt, vel etiam dimiserunt, & nullas causas dissidiis probabiliter proponentes, propter ea sua Matrimonia dimittunt, ut aut illicita, aut aliena presumant, si antequam apud Episcopos comprovinciales dissidiis causas dixerint, & priusquam in iudicio damnentur, uxores suas abecerint, à Communione S. Ecclesiae & populi cœta, pro eo quidam & conjugia maculata, excludantur. Ita Concil. Carthaginense cap. 30. alias Agathense c. 25. alias 17.*

181. Sed ad hanc jura facilis est responsio; siquidem primum & tertium loquuntur de Matrimonio de praesenti; à quo alter conjux absque causa recesserat, ut clare conflat ex tenore verborum cap. Seculares, ibi: *Ei nullas causas dissidiis probabiliter proponentes; cap. autem, Duo pueri, ibi: Pro sua opinione sola, quā scilicet credebat absque sufficienti fundamento, eam alium virum habere, ut pater ex principio illius cap. quod sic sonat: Duo pueri, Guilielmus, & Guilielma, matrimonialiter sunt coniuncti, puer sextum, puella autem septimum annum agente, qui simul per tres annos manerunt, tunc pater puellam subtrahens eam sponsos, ipsam alteri M. nomine copulavit, cum quo per septem annos quiete permanxit; ipse vero reliquit tunc eandem, quia credebat eam alium virum habere, illum scilicet, cui prius fuerat desparsata. Quia utique credulitas, levius nimis erat, ut sine iudicio Ecclesiae posset illam relinquere, & ideo imponitur ei penitentia.*

182. Quantum ad secundum jus, scilicet cap. De illis, loquitur quidem de sponalibus seu Matrimonio de futuro, attamen non requirit iudicium Ecclesiae, tamquam necessarium, sceluso scandalis; sed tantum dicit, quod in casu ibi proposito, possint impuberes, post pubertatem separari iudicio Ecclesiae; quod verum est, immo tēpē necessarium ad evitandum scandalum; hoc autem secluso, nupiam in iure requiritur iudicium Ecclesiae, tamquam necessarum ad dissolutionem sponalium.

183. Secūs fortasse ad celebrandum divorzium, ut colligi videtur ex cap. Porro, supra à Gloss. cap. Duo puberes, citato, ubi scilicet: *Porro de comite Pontini, qui B. uxorem suam absque iudicio Ecclesiae dimisit, quia eam cognitam fuisse uxoris defunctæ proponit, prudenter tua cognoscat, quod si etiam parentela est publica & notoria, absque iudicio Ecclesiae ab ea separari non potuit. Ubi Gloss. verb. Notoria: Argum. quod in notoriis servandas est ordo juris. Et verb. Separari, sic ait: Et est ratio quare, quia sententia divorzii pena est, & pena non est inferenda, nisi per iudicem, 33. q. 2. cap. Interfatores, §. In hoc, & Cod. Ut nemo jus sibi di. per totum. De quo latius proprio loco.*

*An sit ea
demratio
divorzi.*

*C. 3. de Di-
vorzii.*

Jam autem conitar, dissolutionem sponalium ut plurimum non esse penam; ut patet, quando communis contractus dissolvuntur, quando per professionem Religionis, per Matrimonium cum alia contractum, propter paupertatem, aut deformitatem, aut morbum supervenientem &c. Cur ergo hæc dissolutione non posset fieri sine sententia iudicis? Si tamen, sicut supra dictum est, causa dissolvendi publica sit, & certa, tam de jure, quam de facto; de jure, quia est in jure expressa, & de facto, quia est certum rale causa adele.

Ne tamen intelligas exigi (inquit Sanchez supra n. 9) ut undeque certa sit sufficiens causa, ita ut nulla sit opinio contraria; vix enim causus contingere: sed requiriatur certitudo moralis, id est, ut causa juxta probabilem opinionem sit sufficiens, quia in moralibus ad operandum hæc dicitur certitudo, cum facit sit, ut quis tuor opere tur, opinionem probabilem amplecti. Ita Sanchez.

Quod sic intelligendum puto, quando omnibus consideratis, etiam possessione alterius partis, verè probabile est, me hic & nunc habere causam sufficiem dissolvendi spon salia, quamvis etiam probabile sit contrarium. Alioquin juxta Reg. Juris 65. In pari delicto vel causa, melior est conditio possidentis. Ut ergo sponsus vel sponsa possit privari jure suo, quod jam possidet, debet esse potior causa ejus, qui intendit sponsalia dissolvere.

Secundò considerandum venit, si ex iure positivo major certitudo requiratur, prout requiritur de morte prioris viri ad incundum aliud Matrimonium, ut suo loco videbimus, propter periculum peccati, si contrahatur Matrimonium secundum, priori viro super stite; hoc autem periculum hic non subest, ut suppono; quia non agitur hic de Matrimoni o contrahendo, sed potius de Matrimonio non contrahendo.

Hinc, quando prætendit sponsus vel sponsa subesse impedimentum dirimere, vel prohibens, & propterea vult sponsalia dissol vere, major deberet esse certitudo, quod im pedimentum non subest, ne possint sponsalia dissolvi, quam quod subest, ut possint dissolvi; quia dissolvendo sponsalia, tantum est periculum privandi alterum suo iure, quod prætendit haberet ad contrahendum Matrimonium; at verò cogendo alterum contra here, est periculum eum privandi iure, quod habet ad dissolutionem, & insuper periculum peccandi in ipso contractu Matrimonii.

Interim ut sponsalia dissolvantur, etiam quando non est periculum peccati in ipso contractu Matrimonii, pro foro conscientie sufficit, secundum Sanchez disp. 73. n. 2. unus testis, de certa scientia sibi jurans, vel fama; quia, inquit, hæc sufficiunt pro foro

ex-

externo. Et pro hac parte faciunt aliqui DD. dientes, consanguineum videntem suum consanguineum velle eam ducere, quam ipse carnaliter cognoverat, teneri impedimentum detegere, alterumque teneri credere. Et probant ex cap. *Si homo*, 35. q. 3. ubi expressè dicitur, teneri revelare consanguineo: quod idem docet Gloss. cap. *Præterea*, 12. de Sponsal. verb. *Publicè*: ergo alter tenetur credere, frustrè enim efficit revelatio, si alter credere non teneretur. Hi sunt Archid. dict. cap. *Si homo*, & ibi *Turrecremata*, Laurentius & Goffredus, quos contra Vincentium & Tancrèdum refert & sequitur Henricus dict. cap. *Præterea*, n. 2. Addit bene Archid. dummodo jurer, & conjecturæ sint, eum non mentiri. Ita Sanchez.

Cap. 35. Subscribo ego verba cap. *Si homo*, 6: 35. q. 2. & 3. *Si homo fornicatus fuerit cum muliere, & frater eius neciens, eandem duxerit uxorem, frater, eo quod fratris crimen celaverit, septem annos paeniteat, & post paenitentiam subeat*. Item verba cap. *Præterea*, 12. de Sponsal. *Præterea de muliere, que a viro impetratur, cuius coniunctus cum ea se delinquisse proponit, sed hoc publicè confiteri recusat, propter mentum & paenitentiam mulieris: Taliter respondemus, ut Matrimonium ipsum fieri (nisi sacramentum intermissione) districte prohibeas, ne deterius inde coningas. Ubi Gloss. verb. *Publicè confiteri*, interrogat: *Quid si publicè confiteatur?* Respondet: *Duplici ratione non debet ei credi. Primo; quia unius confessio in alieno factio nulla est, 4. q. 4. c. Placuit, §. Item in criminali, vers. item unius testimonium, & sup. de Test. Veniens. I. Secundo; quia turpitudinem suam confiteatur, sup. de Donat. Inter dilectos, 14. q. 5. Non sanè, & inf. de Eo qui duxit in Matrim. c. 1. Sed consanguineo revelare tenetur, 35. q. 3. Si homo. Hæc Gloss.**

Sed quero ego; quare publicè confitenti non debet credi, cum credatur privatum confitenti? Nam Pontifex propter confessionem privatam prohibet Matrimonium fieri, nisi sacramentum interveniret. Neque ibi agitur de solo foro conscientiæ; quia loquitur jus de muliere, qua apud Episcopum impetrabatur a viro. Deinde, si tenetur consanguineo revelare; ergo, ut supra argumentabatur Sanchez, consanguineus tenetur credere, alias frustrè fore illa revelatio. Ergo etiam Judex tenetur credere, si ipsi publicè reveletur, cur enim magis consanguineus debet credere privatim revelanti, quam Judex publicè confitenti? Sanè rationes, propter quas publicè confitenti non debetur fides, etiam locum habent in privata revelatione; ergo vel utrius debetur fides, vel neutri in causa proposito. Aut detur disparitas.

Hinc cap. *Licet*, 23. de Test. & arrest. ubi in fine dicitur: *Nulla est tamen causa, qua*

unius testimonio (quamvis legitimo) terminatur, Gloss. verb. *Unius*, excipit casum praesentem, dicens: *Hoc verum est in alterius præjudicium. Et sic non obstat de Confec. dist. 4. Cum itaque § Parvulos. Vélibi quis non habet ius petendi, sup. cap. proximo (ubi admittitur testimonium solius matris, afferantibus esse consanguineos, ad impediendum Matrimonium) & infra de Spons. Præterea, 2.*

Quare communis est sententia, impedimentum Matrimonii dirimens, aut prohibiens, plenè probari unico teste, etiam in foro externo; quia hic agitur de vitando peccato, ne impedit contra Ecclesias prohibitio nem peccent. Et nullus, inquit Sanchez disp. 71. n. 1. in hac conclusione discrepat.

Aliud fortè dicendum, quando non agitur de vitando peccato, v. g. quando allegatur alia causa, v. g. fornicatio sponsæ, sufficiens ad dissolvenda sponsalia, quā tamen existente, nullum efficit peccatum contrahere. Herculis tali casu non sufficeret pro foro externo testimonium unius, docet Sanchez suprà n. 7. contra Paludanum 4. dist. 27. q. 1. a. 3. calu. 1. n. 17. in fine. Fundat se Sanchez in cap. *Licet*, jam citato, cap. *Veniens*, &c. *In omni negotio* cod. tit. in quibus requiruntur plures testes, quando agitur de alterius præjudicio; sed hic agitur de præjudicio juris alteri acquisiti, ne sibi fides præstata impleatur, & ab hac regula generali solùm excipitur, quando opponitur impedimentum Matrimonii, ratione peccati vitandi; ergo extendi non debet ad casum, ubi non agitur de peccato vitando, sed de solo tertii præjudicio.

Item; quia in hoc calu agitur de alterius peccato probando, scilicet fornicatione, quod non nisi duplice teste probatur, ut dicunt optimè aliqui Doctores, explicantes cap. *De puberi*, de Delfon. impub. ubi texus dicit, credi viro afferenti copulam, & dicunt id est Matrimonii favore, quod copula firmabatur; secundus fore, si non ad Matrimonium valorem, sed ad probandum delictum ageatur.

Tandem; quia speciale est, dum allegatur fornicatio, tamquam Matrimonii impedimentum, ut concubitus cum consanguinea futuræ uxoris probetur unico teste vel familiæ, eo quod agitur de peccato vitando, ut bene Gloss. cap. *Præterea*, de Test. & attest. verb. *De auditu*. Hæc Sanchez.

Quibus non obstantibus, Aversa q. 8. de Spons. sect. 16. § *Sed fortasse*, sic ait: *Sed sententia affirmans fortasse etiam in foro externo pro qualitate rei & personarum posset interdum sufficere talis unus testis, addito ejus juramento, ut Judex meritò possit absolvere partem innocentem ab obligatione sponsalium. Tum, quia durum sane esset compellere virum ingenuum ad ducendam sponsam, quam à tali*

testis audit, & in mente sua persuasum habet
fuisse forniciatum, & esse corruptam; quam
putabat virginem. Tum; quia ex hoc ipso
capite infelices exitus timeri possent. Tum;
quia si rogetur Episcopus, num vir teneatur
in conscientia ducere talen sponsam, debebit
declarare non teneri, sicut fatetur Sanchez
verè non teneri; ergo simpliciter potest illum
in iudicio absolvere.

Tum; quia licet in hoc non agatur de pe-
nitentia nulliratis aut peccati, tamen agitur ad-
huc de perpetuo vinculo & insolubili nexus
conjugij; idque videtur etiam sufficere, ne
cogatur quis tam odioso vinculo obligari.
Tum etiam; licet talis unicus testis non fac-
iat plenam probationem, tamen facit vehe-
mentem suspicionem & opinionem, &
quandam moralē certitudinem, quæ in
iudicio dicitur semiplena probatio unde suf-
ficit Judici ad torquendū reū, ut ab illo
veritatem hauriat, sufficit ad imponendā
poenam extraordinariam, eamque gravem.
In hac tamen materia non cadit tortura ad
exprimendā veritatem, non cadit pena,
cum agatur solū ad solvendā sponsaliam: er-
go haec probatiō videtur sufficere ad illa sol-
venda.

Et hinc habetur etiam sufficiens discriminē
ad alias judiciales materias, in quibus agitur
de puniendis delictis, aut auferendis aliis bo-
nis. Haec tamen Averfa.

Quod me maximē movere posset ad illam
sententiam amplectendam, est praejudicium,
quod patitur pars innocens, si revera res ita
se habeat, sicut unicus testis affirmat eam se
habere, & verisimilius est se habere. Quippe
non sufficit quilibet testis, sed requiritur,
etiam pro foro conscientiæ, testis fide dignus,
qui deponat de certa scientia, nullaque men-
daciæ suspicione labore; insuper pro foro
externo, qui juret; parum enim creditur non
juranti, cap. Tua, 8. de Cohabit. Cleric. ibi.
*Si vero publicum est, non ex evidentiā, sed ex
fama, in eo casu ad condemnationem eorum sola
testimonia (id est, simpliciter data sine iurā-
mento, ut patet ex Gloff. verb. Testimonia)*
non sufficiunt, *cum non sit testimoniis, sed testi-
biū judicandum.*

Quæ omnia latius deducta vide poteris
apud Sanchium disp. 17. a. n. 9. usque ad 13.
Faterur autem disp. 73. n. 2. non esse necessariū
juramentum pro foro conscientiæ.

Porrò disp. 71. n. 13. afferit, famam im-
pedimenti plenē probare; arg. cap. Super eo,
2. de Confang. ibi: *Inquisitioni tuae taliter ref-
pondemus, quod si manifestum est, juvenem cog-
novisse propinquam puerilē, vel si non est mani-
festum, fama tamen loci hoc habet, cum effet
sponsa tantummodo de futuro, idem ab ejus im-
petitione debet absolvī.* Agitur autem ibi de
probanda affinitate, contracta ex copula for-

niciaria cum consanguineo sponsa, & de spon-
salibus juramento firmatis, ut patet ex prin-
cipio cap. Super eo, quod juvenem afferit puel-
lam quamdam nondum nubilem, fide interposita
(id est, juramento iuxta Gloff. ibi verb. Fide)
desponsasse, quæ jam facta nubilis, eum repetit,
& ille excipit dicens, se non debere eam ducere
pro eo, quod postquam puerilam affidavit eandem,
carnaliter propinquam ipsius cognovit.

Notat autem Sanchez suprà n. 15. quod
ea fama non debet esse privata, id est, si con-
ficit Judici ut privata, non facta probatione
in iudicio, non facta est ad impedimentum Ma-
trimonium; dat tamen Judici ea fama priva-
ta facultatem ad inquirendum, & recipien-
dum probationem de illa.

Potest etiam Judge, eam famam privatā du-
ctus, per seipsum de plano, & sine aliquo or-
dine, judicario diligenter de impedimento
inquirere; arg. cap. Cum in tua, 27. de Spon-
sal. ibi: *Ad quod taliter respondemus, quod si Cœda
persona gravis, cui fides sit adhibenda, tibi de-
nuntiet, quod si, qui sunt Matrimoniū copulan-
di, se propinquitate contingant, & de fama vel
scandalō docear (ergo sola denuntiatio non suf-
ficit) aut etiam per te ipsum possis certificari de
plano &c. Ubi Gloff. verb. De plano, ait:
Summaria cognitio sufficit hic. Sic infra de Ac-
cuso. Sicut olim & cap. Olim. Sic eodem modo
videtur, quod Judge possit inquirere de fama
alicuius de plano, & sine judiciorum strepiti:
multiplex enim clamor famam inducit, ita ut
Pralatum moveat ad inquirendum, inf. de Ac-
cu. Qualiter & quando, 2.*

Docet præterea Sanchez suprà n. 16. non
satis esse famam ad impedimentum Matrimo-
niū, adhibitis de contraria fama clariori-
bus probationibus, arg. ejusdem cap. Cum in
tua, ibi: *Vel contra famam bujusmodi secun-
dum tuę discretionis arbitrium, juramenta ex-
hibeant propinquorum.* Ubi Gloff. verb. Fa-
mam. Nota hic, inquit, quod si probabis famam
contra aliquem, quod potest probari contrarium
ad tollendam famam: & ita si probabis aliquem
esse mala fama, ipse potest probare se esse bone
famæ, 2. q. 5. Presbyter, & c. Si mala.

Patet etiam ex verbis d. juris, jam allega-
tis, quod ad deponendum contra hanc famam,
admitti debeant juramenta consanguineo-
rum. Immo, inquit Sanchez suprà n. 17.
hac fama eliditur, ejusque probatio arbitriū
Judicis, si contra illam contrahere volentes sangu-
jurent, se non esse consanguineos: tunc enim rati-
onib[us] admissum est, quod si probabis famam
contra arbitrio relinquitur, iuxta personam
ratiōnē qualitatē, admittere hoc juramentum
contra famam.

Et idem Aliqui afferunt de parentum ju-
ramentis; arg. cap. Cum in tua, suprà addu-
cti, ubi Gloff. verb. Arbitrium, sic scribit:
*Quasi dicat, licet multa dixerimus, & te in-
struxerimus, & multa dicant iura circa han-*

191.
Iudicium
Authoris.

C. 8. de
Cohab.
Cler.

192.
An fama
impedimenti
plenē probet.
ex Sanchez.
C. 2. de
Confang.

materiam, tamen cum ex variis causis varia presumantur, nec propter malitiam hominum, & varietatem temporum certa regula dari possit, finaliter arbitrio tuo relinquimus, ut pensatis personis, causis & temporibus, facias hoc vel illud.

166. Si autem queritur; an etiam rumor suffi-

ciet ad impedientium Matrimonium, & per consequens ad dissolvenda sponsalia? Ref-

pondet Sanchez suprà n. 18. verius esse, non sufficere. Tum; quia minus probat, quam

fama, ut constat ex dicto cap. Super eo. Tum

etiam; quia nullibi reperitur, rumorem im-

pedire Matrimonium contrahendit; unde servan-

da est generalis regula, ut omnes possint con-

trahere, qui non reperiuntur impediti, c.

Cum apud, 23. de Sponsal. ibi: Ad quod talis-

ter respondemus, quod cum prohibitiorum sit edi-

tiun de Matrimonio contrahendo, ut quicumque

non prohibetur, per consequentiam admittatur,

& sufficiat ad matrimonium solus consensus illo-

rum, de quorum quarumque conjugiis agi-

tur. Ubi Gloff. verb. Non probibetur: Arg.

id quod non probibetur, concessum videtur.

Differunt autem fama & rumor, quod illa

quando major pars vicinia reclamat, hic

differens est, vero quando aliqua pars, ut tertia vel quarta;

magis, arg. cap. Super eo, 5. de Eo qui cogn. consang-

wor. sive sequentis tenoris: Super eo quod

probibetur, utrum conjugatus, qui ante contra-

dum Matrimonium, uxoris sive consanguineam

carnei commissione cognovit, cum id fateatur

merque, & aliqua pars vicinia hoc acclamare

dicitur, sit ab uxore sua judicio Ecclesiæ sepa-

randus: Tua Fraternitas respondemus, quod

proper eorum confessionem tantum, vel rumor

vicinia separari non debent. Ergo rumor

vicinia est, acclamatio alicuius partis vici-

niae, per quam Anchæ. dicto c. Super eo. n. 2.

intelligit, ut refert Sanchez suprà, majorem

partem vicinia; sed sine sufficienti funda-

mento, cum etiam minor pars sit aliqua pars

vicinia. Melius ergo cum Sanchez lupa &

aliis DD. ibi citatis, intelligit 3. aut quarta

pars.

Quod autem dicebat suprà Sanchez, ex

illo cap. confitare, quod rumor minus probet,

quam fama, videndum quomodo subsistat,

quandoquidem de fama non fiat ibi menio;

neque ibi agatur de impediendo Matrimonio,

de quo hic tractamus; sed de dissolvendo seu

irritando Matrimonio contracto, ad quod

etiam non sufficit sola fama; sicuti nec suffi-

cit unicus testis, ut patet ex cap. 3. de Eo qui

cogn. ubi sic lego: Deo, qui uxorem fratris,

anequam ei Matrimonio jungenter, se propo-

suit cognovisse. Respondemus, quod nisi hoc pu-

blicum aut notorium fuerit, aut idoneis testimoniis

comprobetur, prædictum Matrimonium, occa-

sione illa, ipsum impetrare non permittas. Et cap.

Super eo, 22. de Testibus & attest. in fine sic

dicitur: Respondemus, quod si non est firmatum

Matrimonium inter eos, matre asseverante, ipsos esse consanguineos, non debent conjungi: quia præsumptio est non modica, quod se linea consanguinitatis attingant. Si vero Matrimonium est firmatum, non debet sine plurimum jumento dis-

solvit.

Perperam quoque videtur Sanchez pro se allegare Gloff. dict. cap. Super eo, in fine. Finis cap. sic sonat: Rumor autem vicinæ non contra San- ad eo est iudicandus validus, quod, nisi rationa- chez.

biles & fide dignas probationes accedant, possit bene contractum Matrimonium irritari. Ubi Gloff. verb. Rumor, inquit: Arg. contra, sup. de Præsumpt. Illud, & c. Tertio. Ut dixi aliud est rumor, quam fama, & illa Decret. Tertio, loquitur de Matrimonio contrahendo, quod ad solam famam impeditur, inf. tit. proxii. cap. Super eo.

Ubi quidem dicit, aliud esse rumorem, quam famam, & quod ad solam famam impeditur Matrimonium contrahendum; sed tam non propter negat, etiam ad solum rumorem impeditur Matrimonium contrahendum; neque enim ly solam, excludit rumorem, quasi sola fama, & non rumor impeditur Matrimonium contrahendum; sed alias rationabilis & fide dignas probationes, quæ requiriuntur, ut rumor irritet Matrimonium contractum.

Quomodo ergo rumor minus probat, quam fama? Respondeo; quia solus rumor, conjunctus confessioni conjugum, non sufficit ad irritandum Matrimonium contractum, ut patet ex dicto cap. Super eo; secus sola fama, ut colligitur ex cap. 4. 35. q. 6. Si duo vel tres viri consanguinitatem jurejurando fir- maverint, vel ipsim forte confessi fuerint, con- jugia dissolvantur. Si vero neutrum contigerit, Episcopi eos per Baptismum, per fidem, per ju- dicium Christi in vera obedientia obtemperent, quatenus palam faciant, utrum se (sicut est fama) consanguineos recognoscant. Ubi Gloff. verb. Sic ut fama: Nam sine fama non sufficeret eo- rum confessio. Neque fama sine confessione; nam fama erat de consanguinitate, & tamen jus insuper requirit testimonium conjugum.

Sicut ergo minus probat rumor, quando agitur de irritando Matrimonio contracto, quam fama; ita etiam videtur dicendum, mi- nus probare, quando agitur de impediendo Matrimonio nondum contracto; ergo quamvis sola fama impedit Matrimonium contrahendum; secus tamen solus rumor de impe- diimento, quæ est sententia Sanchez. Aliqui pue- tamen, quos citat, contrarium docent, scilicet aliqui pu- rem suffi- rem suffi- re.

Et

201.
An sufficiat
unicus testis.

Et idem dicendum putat Sanchez supra n. 8. de unico teste, quando habet qualitates suprà requisitas, scilicet sufficere ejus testimonium ad impediendum Matrimonium juratum, sive ad dissolvenda sponsalia jurata; quāvis Aliqui contrarium sentiant, propter cap. *Præterea*, 12. de Sponsibus, ubi videatur in terminis id ipsum decisum, ibi: *Nisi* *juramentum intervenisset*. Ad quae verba Gloss. Et ita si juramentum intervenit, non debet Matrimonium prohiberi propter confessio- nem illius secretam, nisi aliter probaretur: nam si legitima affinitas probaretur, impeditur Matrimonium, non obstante juramento illo, quod habuit conditionem annexam, scilicet nisi iusta causa prohibeat, sive de Jurejando, Quemadmo- dum. Immo jam contractum separaresur, inf- de Eo qui cogn. conf. uxo. sue, De illo. Si vero juramentum non intervenisset, ad testimonium unius, sive ad famam, impeditur Matrimo- nium contrahendum, supra de Test. Super eo. & sic. Et ratio est ob juramenti Religionem: Ecclesia enim certa est de perjurio, Sponsibus non impletis; incerta autem de impedi- mento, & ita tutius eligit.

202.
Affirmat
Sanchez.

Nihilominus Sanchez veriorem existimat suam sententiam; quia testis omnino integrus non minus probat, quam fama; haec autem sufficit ad dissolvenda sponsalia jurata. Ad cap. *Præterea*, Responder; illum testem non fuisse omnino integrum, quia nomine non publicato deponebat, allegabaturque turpitudinem suam. Autores pro hac sententia, qua indubie probabilis est, vide apud Sanchez supra.

Hoc certum est; sufficere, etiam pro foro externo, si uterque confiteatur impedimentum; quippe per illam confessionem facta significant mutuam resiliendi a sponsibus voluntatem; jam autem mutuo consensu possunt dissolvi sponsalia, etiam jurata, & in foro externo, ut patet ex alibi dictis.

Sed quid si alter tantum fatetur impedimentum? Relpondeo; si ipse est, qui optat Matrimonium, factum est; arg. cap. *Attestatio- nes*, 10. de Desponsi. impub. ibi. Et tunc natus fuisset (sicut eterque confessus est) ipsam corrumperet, mulier tamen credit se virginem eva- sissem. Ubi Gloss. verb. *Evasisse*, ait: *Cui creditur in hoc, quod contra se confitebatur*, 14 q. 2. §. 1. & ff. de *Interrog. actio*. De *actate*, §. 1. alias fatetur verbo viri. Et ratio est; quia hic casus non differt a priori; quia alter volens non subfici Matrimonium, jam ex parte sua differnit; hic vero eo ipso quod impedimentum fatetur, recusat Matrimonium cele- brare; quare & hic mutuus consensus ad sponsalia dissolvenda concurrit.

Secundum dicendum, quando ille solus fatetur impedimentum, qui renuit sponsalia im- plere; illa quippe confessio est in proprium

favorem, & preiudicium juris tertio acquisiti, & idem non adhibetur ei fides, 14. q. 2. in principio ibi: *Contra se enim quisque testari po-* 14. q. 2. *teat, pro se vero minime*.

Atque haec fatis de foro externo, qui ma- gis spectat ad Jurisconsultos, quam ad Theo- logos, qui maximè considerant forum con- scientiae, in quo sine dubio ea sufficiunt ad disolvenda sponsalia, quæ sufficiunt pro fo- rō externo; immo sufficit, quod sponsus propriā experientiā cognoscat sponsam non ful- se virginem tempore sponsalium, ut docet Sanchez disp. 73. n. 3. aut etiam id noverit ex privata aliorum relatione, dummodo sint fide digni, qui referunt, nec si sufficiat al- iqua mendacii, ut sup. adhuc diximus.

Sed, dicit aliquis: quid si sponsa reluc- tur, & velit cogere sponsum ad Matrimo- nium, poteritne ipse in judicio detegere ejus occultam fornicationem? Ratio dubitandi est; quod id non possit fieri sine notabilis in- famia sponsæ; jus autem naturæ dicit, fa- miliam proximi illæsan conservare.

Sed breviter dicendum est (inquit Sanchez disp. 70. n. 2.) non statim cautam ad Judi- cem deferendam esse, sed prius mortendam esse sponsam, ut deficiat, ut vel sic infamiam devitet; sin autem nolit, audeundo esse pa- rentes, vel viros pios, vel Prælatum, ut ip- sam moneant; quod si adhuc perficiatur, fas esse ad tribunal Judicis deferre. Sicut similiter dicunt DD. habentem impedimentum occul- tum ad Ordines, vel Matrimonium, prius esse monendum, aliaque media occulta ad- hibenda, & si nihil profit, denunciandum esse.

Probatur; quia hic uitur iure suo ad fe- tuendum, cum alio pacto defendere se mini- me possit. Item; quia licitum est detegere vi- tia testium occulta, quando id est medium necessarium ad justam defensionem. Tandem; quia licitum est denuntiare Judici forem occulum, ad vitandum proximi damnum, se- crera monitione non proficiente; ergo a for- tiori id licebit, ad vitandum damnum proprium, ne cogatur sponsus implere Spon- salia, quibus non adstringitur. Hæc Sanchez.

Quibus non habeo, quod addam; quia res viderur per se clara; quippe detectio lecreti, directè solùm tendit ad manifestandam veri- tam; sed quia illa manifestatio in tali ma- teria, simul est generatio opinionis malæ sive infamiae; hinc ulterior requiritur finis, ad quem ordinetur, qui hic est defensio spon- sii, sive proprii damni evitatio, ad quam illa manifestatio necessaria est ex mala voluntate ejus, qui infamatur; unde sibi ipsi imputare debet illam infamiam, quia si vellet defister, sicut debet velle; non infamaretur. Et haec- nus quidem de 1. parte Conclus.

Sequitur altera pars, quæ docet, in dubio,

quan-

203.
Quid si u-
nus tantum
fatetur
impedi-
mentum?
C. 10. de
Despons.
impub.

*dubio de
insufficiencia
causa, aut
quando i-
natur rem-
edium &c.
expectanda
& sentientia
superioris.*

quando non constat *satis* de *justitia causa*, aut
timer *scandalum*, vel *satisfaciendum* est
Ecclesiastis, *expectandam esse sententiam Ordini-
narii seu Episcopi*, quod ab *Omnibus admittit-
ur*. *Enimvero* sicut in *dubio* *aliorum* *jurium* & *contractuum*, non *deciditur* *causa* *pro-
prio* *judicio*, sed *recurrunt* ad *Judicem com-
petentem*; ita quoque *imprae**sentiarum*, dum
dubia est *obligatio* *contractus* *sponsalitii*,
non proprio *judicio* *causa* erit *decidenda*, ne-
mo enim *judex* *in propria* *causa*; sed *oportet*
recurrere *ad judicem* *competentem*, *eiusque*
sententiam *expectare*; *Judex autem* *compe-
tens* *in causa matrimoniali* *est persona Eccle-
siastica*, postquam *Matrimonium* *elevatum*
fuit *ad dignitatem Sacramenti*, ut *ex alibi*
dictis *constat*.

Et quāvis sponsalia non sint Sacramen-
tum; tamen quia via ad Sacramentum, idēo ad
idem tribunal pertinent. Loquimur autem de
sponsalibus inter fideles; quemadmodum e-
nī Matrimonium inter infideles non spe-
ciat ad Ecclesiam, utpote contractus aliquis
merē civilis & politicus, sed ad Principes se-
culares, ita quoque sponsalia infidelium, tam-
quam contractus merē civilis & politicus,
non ad Ecclesiam, sed ad Principes seculares
speciat; qui proinde in dubio confulendi sunt,
& eorum sententia expectanda; non enim
potest quisquam in dubio privare alterum re-
sū, seu jure jam acquisito; nam iuxta Reg.
Iuris 65. de Reg. Iuris 6. In pari delicto vel
causa potior est conditio possidentis.

Porrò duplex hic est dubium, unum de jure, alterum de facto; de jure, quando dubitatur, num talis causa sit sufficiens; de facto, quando dubitatur, num revera sit. Verum hoc dubium juris, inquit Averla q. 8. de Spons. sect. 16. & Addi etiam soles, non videtur contingere posse, nisi apud personas rudes & simplices: quia viri docti probè sciunt, num in jure sit sufficiens talis causa. Et ubi sunt opiniones pro utraque parte probabiles, non dicuntur res dubia, sed perinde habentur ac moraliter certa, ut quis sub tali probabilitate possit sponsalia solvere. Quare persona rudis & simplex, in hoc casu non indigebit præcisè sententiā Iudicis, sed sat's uti poterit consilio viri docti. Dubium autē facti, non solum impedit privatum quemque a solvendis sponsalibus, sed et magis Iudicem, qui in dubiis vare potius debet reo. Solum ergo quanto factum est dubium apud privatum, sed constabit certò apud Iudicem; ut potest si testes nolint manifestare illi privato, sed in iudicio deponant veritatem: tunc, inquit, habebit locum hæc regula, ut quis non propriâ auctoritate, sed Iudicis sententiā sponsalia solvat. Haec tenus Averla. Tu cogita. Ego ad alia transico, & querō.

Nunquid sponsa, quæ scit se fornicatam

fuisse, habetur tamen communiter pro virgine, potest interrogata tegere illud vitium, & exigere à sposo Matrimonii? Respondeo:

CONCLUSIO XII.

Occultè corrupta, de vitio interro-
gata, tegere illud potest, & exi-
gere Matrimonium.

Rima pars est communis, & ratio mani-
festa; quia nemo tenetur seipsum infamare,
& sponsi est inquirere, ac mature sibi
prospicere, cum qua contrahat: quod si deci-
piatur, aut potius, si erret in persona, putans
virginem, quæ non est, sibi imputet; quia scit,
aut scire debet, tale vitium ordinariè occula-
ri, quantum possibile est: unde saltem ex con-
suetudine sponsus id censurit sponsæ condonare,
& condonari debuit, ne pluribus spes
nubendi in perpetuum præcideretur.

Vicissim autem sponsa censetur condonare spon-
re sponso fornicationem, post sponsalia com-
missam, cum nec illa soleat revelari, & spon-
se sit sibi ipsi prospicere, inquirendo de vita
sponsi, sive post, sive ante sponsalia; quod si
non faciat, sibi ipsi imputet, si decipiatur, sive
in hac qualitate, sive in aliis v.g. paupertate,
deformitate & similibus, que non impediunt
vitam socialem, aut generationem, vel honestam
prolis educationem; neque enim & istae
qualitates solent sponte aperiri, sed diligenter
ab iis, quorum, interest, inquiri; unde sibi
invicem spondentes, solent & illas condona-
re, nisi contrarium exprimant. Et ratio est;
quia per ipsas non praedjudicatur usui seu fi-
ni Matrimonii, adeoque non constituant
aliquam notabilem inaequitatem, cum detur
seu promittatur corpus, aptum ad gene-
rationem, pro alio corpore, similiter apto;
cetera autem accidentalia sunt, in quibus,
secundum commune iudicium, non requiri-
tur stricta exactitas.

Dixi; *Nisi contrarium exprimant; quia cum liberum sit eis sponsalia contrahere, vel non contrahere; contrahere absolute, vel sub conditione; si sponsus expresè diceret: Promitto tibi Matrimonium, si à parte rei sis virgo: Si habeas has divitias &c. certum est, istius conditionibus non existentibus, sponsalia omnino esse irrita, & injuriam fieri sponso, si sponsa simulet tales conditions subesse, quando à parte rei deficiunt. Immo tametsi absolute contraheret, sit ipsi vera injuria, si fingantur istae conditions, ut per illam fictionem seu dum alliciatur ad sponsalia contrahenda, quæ alias omnino rejiceret. Aliud quippe est, positivè fingere se virginem, aut divitem; aliud verò non propalare suam corruptionem, aut paupertatem; sed eam regere mediis aliquo licitis, quibus solent homines uti ad talia virtutia occultanda.*